

Theko ea Phomolo



SABATHA MANTSIBOEA

Bakeng sa boithuto ba beke ena, bala: 2 Sam. 11:1–27, 2 Sam. 12:1–23, Gen. 3:1–8, 1 John 1:9.

Temana ea Khopolo: “Oho Molimo, u boele u lokise kahare ho ’na moea o tiileng” (Pes. 51:10).

Batho ba bangata bo bonahala ba le tsietsing ea ho fumana khutso le botsitso. Ba ikemiselitse ho e lefella le hona. Litoropong tse ngata tse kholo hona le liphapusi tsa khokelo ea marang-rang ea mahala, tse ka hiroang ka hora. Melao e thata haholo—ha ho lerata, ha ho baeti. Batho ba ikemiselitse ho lefa le ho fumana ho lula ka khutso le ho roba monakeli kapa ho khaleha. Ho na le libaka tsa ho robala tse hiroang boema-fofane, kapa lintho tse fokotsang molumo tse kenngoang ka litsebeng tse tummeng. Ho na le likhurumetsi, kapa lintho tse koahelang hlooho tseo u ka li rekang ho ikoahela bakeng sa khutso e itseng le mosebetsing ka nako ea phomolo.

Phomolo ea ’nete le eona e na le theko. Leha lingaka tsa mabili a bonohe a boithuso li ka leka hore re lumele hore re ka tseba qetello ea rōna le hore phomolo ke taba ea Khetho fela le ho etsa meralo e metle, empa bonyane ha re ela hloko botšepahi bona, re hlokomela ho hloka bokhoni ha rōna ho sa tliseng phomolo ea ’nete lipelong tsa rōna. Moetapele oa kereke ea lekholo la bone la lilemo Phatoine o e beha hantle bukeng ea hae ea *Confessions* (Book 1) ha a sheba mohau oa Molimo: “O iketselitse rōna, ’me lipelo tsa rōna ha li na phomolo ho fihlela li e fumana ho uena.”

Bekeng ena, re tla sheba hakhutšoanyane bophelo ba monna ea pelong ea Molimo ho fumana hore ke joang a fumaneng theko ea ’nete ea phomolo ea Molimo.

**Bala thutoea beke ena ho lokisetsa Sabatha sa la 24 Phupu.*

Ho Fela le ho Khathala

Mantsiboea a maemo a matle a leholimo nakong ea selemo, morena Davida ea neng a se na phomolo o ile a ea holimo le tlase ntlong ea hae ea borena. O ne a lokela e be o tsamaile le mabotho a hae ho ea mose ho Jordane. O lokela e be o eteletse pele sechaba sa Molimo ho hlola ba-Amone le ho tlisa khutso qetellong 'musong.

Ho se be moo a neng a lokela hoba hona teng ho ile ha bula lemati bakeng sa teko ho Davida. Bala pale ho 2 Samuele 11:1–5. Ho ile ha etsahala joang, 'me ke sebe se fe se sehlo seo a se entseng?

Davida a bona “mosali e motle haholo” a ntse a tola ntlong ea hae. Takatso ea hae ea sebe ea mo imela mantsiboeng ao, 'me a robala le Bathesheba, mosali oa setho se tšepahalang sa sesole. Joalo ka marena ohle a mehleng eo, Davida o ne a na le matla a maholo haholo. E le morena o ne a sa latele melao e laolang batho bohle. 'Me pale e bohloko ea lelapa la Davida e latelang e re hopotsa taba ea hore, leha e le morena, o ne a se kaholimo ho molao oa Molimo.

Ruri, molao o teng e le tšireletso, qhobosheane 'me le ha morena ka bo eena a o tlola, o tobana le litholoana tse bosula. Hang ha Davida a tlola molao oa Molimo, o ile a qalella ho utloa lebatama kahohle bophelong ba hae. Davida o ile a nahana hore ketso ea hae eo ka potlako a lekileng ho e pata, e tla feta e sa lemohuo; empa joale, Bathesheba e ne e le moimana, 'me monna oa hae o ne a le hole haholo.

Bala 2 Samuele 11:6–27. Davida o ile a leka joang ho koahela sebe sa hae?

Le teko ea Davida ea ho bitsetsa Uria hae ho mosali oa hae Bathesheba ea hloleha. Uria e ne e le motho ea botumo bo botle 'me a arabela hantle pitso ea Davida ka hore: “Areka le ba-Iseraele, le ba Juda, ba lutse metlotloaneng; le mong'a ka Joabe, le bahlanka ba moren'a ka ba emisitse har'a naha; ha hole joalo, nka kena joang tlung ea ka, le ho ja, le ho noa, le ho robala le mosali oa ka?” (2 Sam. 11:11). Qetellong Davida a fetela morerong oa ho sebelisa “letsoho le hole” ka polao ho pata sebe sa hae.

Ho thata ho lumela hore Davida, eo Molimo a mo fileng haholo, a ka theohela tlase ha kalo. Ho sa natsoe hore na re mo bang, ke tlhokomeliso efe eo re lokelang ho e nka paleng ee?

Seho se Ilile

Hara nako e 'ngoe e lefifi haholo bophelong ba Davida ho na le litaba tse monate: *Molimo a romela moporofeta oa hae*. Nathane le Davida ba ne ba tsebana hantle haholo. Pejana, Nathane o ne a ile a eletsa Davida morerong oa hae oa ho haha tempele (2 *Samuele 7*). Ha joale moporofeta o tla ka mosebetsi o fapaneng bakeng sa morena.

Hobaneng o nahana hore Nathane o ile a khetha ho pheta pale ho e-na le ho bitsa le ho tlotlolla Davida hang-hang? Bala 2 Samuele 12:1–14.

Nathane o ne a tseba seo a lokelang ho se bolela, 'me o ile a e bolela ka tsela eo Davida a ileng a utloisisa. O ile a bolella pale eo Davida, molisana oa mehleng, eo a ka utloisisang. O ne a tseba boemo ba Davida bo botle malebana le toka le botšepahi. Ka hona, motho a ka re Nathane o ile a etsesa Davida leraba leo a ileng a tsamaea ho lona.

Ha Davida ka ho se tsebe a phatlalatsa kahlolo ea lefu la hae, Nathane a mo bolella “Ke uena monna eo” (2 *Sam. 12:7*). Ho na le mekhoha e mengata ea ho re “Ke uena monna eo.” E mong a ka hoelehetsa, e mong a ka qosa le ho kenya monoana ka leihlong la motho e mong, kapa e mong a ka bontša khathatseho le tsotello. Mantsoe a Nathane a lokela hore e be a ne a rokeletsoe le mohau. Ka nako eo, Davida o tlameha e be o ile a utloa bohloko boo Molimo a lokelang ho bo utloa ha e mong oa bara kapa barali ba hae ha ka tsebo a ka tsoa thutong ea hae. Se seng sa filha kelellong ea Davida. Se seng sa roba pelo ea hae.

Hobaneng Davida a ile arabela ka hore: “Ke sitetsoe Jehova” ho e-na le hore, “Ke sitetsoe Bathesheba” kapa “Ke 'molai” (2 Sam. 12:13; sheba hape Pes. 51:4)?

Davida o ile a hlokomela sebe seo, se etsang hore pelo tsa rōna li hloka phomolo, e leng se sa thabiseng Molimo, 'mopi le mopholosi. Re ikutloisa bohloko; re ama ba bang. Re tlisetsa malapa a rōna le kereke masoabi. Empa qetellong, re utloisa Molimo bohloko, le ho kenyeletsa sepekere hare thupeng e emeng ea Golgotha.

“Khalemelo ea moporofeta ea ama pelo ea Davida; letsoalo la hae le ile la tsoha; sebe sa hae sa hlahella ka boholo ba sona. Moea oa hae oa inama ka pela Molimo ke ho utloa bohloko. Ka melomo e thothomelang a re: ‘Ke sitetsoe morena.’ Phoso tse entsoeng khahlanong le batho ba bang li khutlela ho ea utloisitsoeng bohloko, ho Molimo. Davida o ne a entse sebe se bolaeang, ho Uria le Bathesheba, 'me a fela a utloa sena haholo fela. Empa ka ho fetisisa e ne e le sebe sa hae ho Molimo.”—Ellen G. White, *Patriarchs and Prophets*, p. 722.

Ho Tšoareloa le ho Lebaloa?

Ka mora hore Davida ka ho se lemohe a phatlatatse kahlolo kahlanong le eena (2 Sam. 12:5, 6), Nathane o mo toba ka boholo ba sebe sa hae. Pelo ea Davida ea robeha, 'me a bolela sebe sa hae. Hang-hang Nathane o mo tiisetse hore “Le eena Jehova o se a fetisitse sebe sa hao” (2 Sam. 12:13) 'me ka hoo u tšoaretsoe. Ha ho na nako ea ho ema tšoarelang ea Molimo. Davida ha a lokele ho bo netefatsa hore o tiile pele a ka fuoa tšoarelo.

Leha ho le joalo, Nathane, ea seng a boletse e sa le pele litholoana tsa sebe sa Davida ho 2 Samuele 12:10–12, o tsoela pele ho bolela hore ngoana ea tla tsoaloa o tla shoa.

Ho bolela'ng hore Molimo o tlositse sebe sa Davida? Na u se a hlakotse letlapa le ho le hloekisa? Na bohle se ba lebetse ka sona? Bala 2 Samuele 12:10–23 ha u ntse u nahana ka lipotso tsena.

Davida o tlameha a ile a ipotsa ka lipotso tsena ha a bona lefatše la hae le pshatleha—ngoana a shoa, lelapa la hae le lobokane (lipale tsa Amnone le Absalome ke mehlala e 'meli e metle ea mathata a sebele a malapa), bokamoso ba hae bo se bo sa tsebisahale. Empa hosa natsoe litholoana tsa sebe sa hae, tse seng li amme batho ba se nang molato joalo ka Uria le ngoana ea sa tsoa hlaha, Davida hape o qala ho utloisisa hore mohau oa Molimo o tla koahela sena, le hore ka letsatsi le leng litholoana tsohle tsa sebe li tla felosoa ruri. Ha joale, a ka fumana phomolo bakeng sa letsoalo la hae mohau oa Molimo.

Ke eng eo Davida a utloang hore e hlile oa e hloka? O labalabela eng? Bala Pesaleme 51:1–6.

Ka Pesaleme ea 51, Davida o tsoela sechabeng ha a bula pelo ea hae le ho bolela libe tsa hae. Sello sa Davida bakeng sa mohau se ipiletsa leratong la Molimo le sa sitoeng ke letho le kutloelo bohloko e kholo ea hae. O labalabela nchafatso.

Ha re sheba theko ea phomolo ho Jesu, re hloka pele ho lemoha hore re hloka thuso e hlahang kantle; re baetsalibe 'me re hloka mopholosi; re lemoha libe tsa rōna le ho lla ho a le mong fela ea ka re hlatsoang, le ho re nchafatsa. Ha re etsa sena, re ka ipha matla: mofebi, mofeteletsi, 'molai, le motho e mong ea tletseng bonyane e mahlano ea melao e leshome ea kopang thuso ke enoa—le ho batla pallo ea Molimo ea tšoarelo.

Ha e ba Molimo o ile a tšoarela Davida ka seo a se entseng, ke tšepo efe e teng bakeng sa hao?

Se seng se Secha

Ka mora hore Davida a bolele sebe sa hae ntle le ho leka ho se buelella kapa ho apesa, o tsoela pele hore motho a phethe hoo e leng toka. O kopa Molimo eng? Bala Pesaleme 51:7–12.

Puo ea Davida ka ho fokoa ka hisopa e sebelisa puo e sebelisa puo e tsejoang ke ba-Iseraele bohle ba kileng ba etella sehalalelo. Ha a bua ka liketso tsa mahlabelo a tlhoekiso a hlalositsoeng molaong oa Moshe (*Lev. 14:4*), o bone matla a sehlabelo—Sehlabelo—ea neng a tla tla kamoso ho tlosa libe tsa lefatše.

Davida o tsoela pele ho kopa “nyakallo” le “thabo.” Hara boholo ba sebe sa hae, na se ha se ho iphanyeha ka thapo molaleng?

Ka mohlomong e ka ba thuso ho mamela polelo ena e lokisitsoeng: “Mpolelle hore ke tšoaretsoe e le hore ke tle ke tsebe ho kena sehalalelong sa hao hape moo ke tla utloa nyakallo le thabo ea ba u khumamelang.”

Ha Adama le Eva ba entse sebe, ba ile ba ipata pela sefahleho sa Molimo (*Gen. 3:8*). Hobaneng u nahana hore kopo ea Davida, le ka mor’a sebe sa hae, e fapane haholo? Bala Pesaleme 51:11, 12.

Davida ha batle ho lahlehela ke letsoalo la ho phela pela sefahleho sa Molimo. O hlokomela hore ntle le Moea O Halalalang, ha a na matla. Oa tseba hore, joalo fela ka ha a oetse sebeng le Bathesheba, a ka oela sebeng hape. Boitšepo ba hae bo felile.

Davida o utloisisa hore tlhoko tsa kamoso li ke ke tsa tsoa ho eena; li tla tsoa fela ho Molimo ha a itšetlehile ho eena ka hohle.

Bophelo bo hlotseng ba Bokreste ha se ka matl’a rōna. Ke sohle ka Jesu. Re labalabela boteng ba hae; re tsetselela Moea oa hae; re batla nyakallo ea poloko. O hlokomela bohloko ba rōna ba nchafatso le khutlisetso. Re hloka phomolo ea hae—ketso ea leholimo ea popo-bocha. Phomolo ea tlhohleho ha e hole le tšoarello. “Oho Molimo, u bōpe ka hare ho ’na pelo e hloekileng, u boele u lokise ka hare ho ’na moea o tiileng” (*Pes. 51:10*) e sebelisa puo ea tlhohleho. Testamenteng ea Khale ke Molimo fela ea ka “bopang” (*bara*)—’me hang ha re se re bopiloa bocha, re ka phomola.

Ha e ba ha u so ka u ba le maiphihlelo a nyakallo le thabo ea tokoloho letsoalong le molato, ke eng e u hulelang morao? Haeba ke molato, ke eng seo u ka ithutang sona ho tsoa paleng ee e ka u thusang?

Ho Bonahatsa Leseli la Molimo

Mohlomong ntho ea tlhaho bakeng sa rōna ho ka etsoa ka mora ho sebetsana le ho fehla ho tlotlolang le ho ba le maiphihlelo a tšoarello ke ho leka ho lebala hore ketso eo e kile ea etsahala. Mehopolo ea ho hloleha e ka ba bohloko.

Ke eng eo Davida a batlang ho e etsa ka maiphehlelo a hae a bohloko? Bala Pesaleme 51:13–19.

Ha lefiso kapa pitsa e ntle e oela le ho pshatleha likoto, hangata rea lla le ho lahlela maqhetsoana a shoeleng a se nang thuso kantle. Japane ho na le moetlo o bitsoang *kintsugi*, o sebetsanang le ho bopa bocha maqhetsoana a shoeleng a letsopa. Mahakoe a bohlokoa joalo ka khauta e qhebilihisoeng kapa silefera, a sebelisoa ho khomaretsa maqhetsoana 'moho le ho fetola karolo e neng e pshatlehile ntho ea bohlokoa ea boleng.

Nako eohle ha Molimo a re tšoarella libe le ho re bopa hape, se seng se ea fetoha. Tšoarello ea bohlokoa ea Molimo e khomaretsa ho pshatleha ha rōna 'moho, 'me mashoa a bonahalang a ka hohela mohau oa hae. Re ka ba libuela hole tsa Molimo. “me leleme laka le tla rorisa ho loka ha hao” (*Pes. 51:14*). Ha rea lokela ho etsa liteko tsa ho itokisa kapa ho itlafatsa (le ho ikekeletsa). Meea ea rōna e bopehileng, lipelo tsa rōna tse robeliheng, ke thoriso e lekaneng ho Molimo—'me mahlaseli a leseli leo lefatše le ka a bonang a re potile. Maiphihlelo a rōna a ho tšoarello a hohela ba bang ba ntseng ba tsoimana le tšoarello.

Ke kamaano efe e teng lipakeng tsa Pesaleme ea 51 le 1 Johanne 1:9?

1 Johanne 1:9 ke kakaretso e khutšoanyane ea Pesaleme ea 51. Joalo ka ha Davida a tseba hore “Sehlabelo se ratoang ke Molimo, ke moea o robeliheng, Molimo ha u khese pelo e robeliheng, e hlomohileng” (*Pes. 51:17*), Johanne o re tiisetse hore “Ha re ipolela libe tsa rōna, Molimo oa tšepaha, o lokile, hore o re tšoarelle libe, 'me o re hlatsoa bokhopo bohle” (*1 Johanne 1:9*). Re ka lumela lentsoe la hae.

Hape, Davida o ne a ke ke a lokisa tšenyō e kholo eo a e entseng ka liketso tsa hae le mohlala ho lelapa la hae. O ile a utloa bohloko ba li tla morao tsa liqeto le liketso tsa hae. Empa Davida o ne a tseba hore o tšoaretsoe. O ne a tseba hore o lokela ho tšepa ka tumelo hore ka letsatsi le leng konyana ea 'nete ea Molimo e tla tla le ho ema sebakeng sa hae.

Ke joang u ka ithutang hona joale ho sebelisa litšepiso tse ho 1 Johanne 1:9 bophelong ba hao? U lokela ho ikutloa joang ka mora ho etsa joalo le ho tseba hore pallo eo ke ea hao le uena?

Ho ithuta Haholoanyane: “Pako ea Davida e ne e le e tiileng le e tebileng. Ho ne ho se teko ea ho bebofatsa molato oa hae. Ho se takatso ea ho baleha kahlolo e mo tobileng, ea susumetsa thapelo ea hae.... A bona tšilafatso a moea oa hae; o ne a nyonya sebe sa hae. E ne e se bakeng sa tšoarelo a neng a rapela, empa bakeng pelo e hloekileng.... litšepisong tsa Molimo ho moetsalibe ea bakileng a bona a bona bopaki ba tšoarelo le kamohelo.... ‘Sehlabelo se ratoang ke Jehova ke moea o robehileng, Molimo, ha u khese pelo e robehileng, e hlomohileng.’ Pesaleme 51:16, 17.

“Leha Davida a ne a oele, Morena o ile a mo phahamisa....

“Davida o ile a ikokobetsa le ho bolela sebe sa hae, ha Saule a ile nyelisa khalemelo le ho thatafatsa pelo ea hae.

“Sekha sena nalaneng ea Davida ke... ke e ’ngoe ea mehlala e matla eo re e filoeng ea ntoa le liteko tsa batho, le pako ea ’nete.... Melokong eohle... likete tsa bana ba Molimo, ba eketsoeng sebeng... ba ile ba hopola... pako le boipolelo ba ’nete ba Davida... ’me hape ba ipha matla a ho baka le ho leka hape ho tsamaea tseleng ea melao ea Molimo.

“Mang kapa mang... ea tla kokobetsa moea oa hae ka pako le boipolelo, joalo ka ha Davida a entse, a ka ba le bonnete bah ore tšepo e teng bakeng sa hae.... Morena a ke ke a lahlela ntle ea bakileng ka ’nete le ka tieo.”—Ellen G. White, *Patriarchs and Prophets*, pp. 725, 726.

Lipotso tsa Puisano:

- ① Ke joang re ka etsang teka-tekano lipakeng tsa ho hlokomela lefutso la boetsalibe le ho hloka tšparele, ’me ka tsela e tšoanang hape, re phele joalo ka bara le barali ba Morena oa makhotla a leholimo ba tšoaretsoeng?
- ② Hobanene ha libe tsohle, qetellong e le sebe khahlanong le Molimo? Ho bolela eng ho siteloa Molimo?
- ③ Re ka reng ho motho emong, eo e seng molumeli, ea loantšanang le ho ba mahlomoleng ha batho ba se nang molato, joalo ka Uria kapa ngoana ea sa tsoa hlaha oa Davida le Bathesheba? Ke joang re hlalolang lerato le toka ea Molimo maemong a joalo? Hobaneng pono ea toantšano e kholo e fanang ka leseli le thusang?
- ④ Hobaneng Bible ha e ka fana ka likhaolo tse peli paleng e mpe ea Davida le Bathesheba? Ke sepheo sefe seo ho phetoha ha pale ee ho se fihlelang?
- ⑤ Lula tabeng ea hore sebe se re arola le Molimo joalo ka ha ho bontšitsoe ho Pesaleme ea 51:11, 12. Maiphihlelo a hao e bile a fe ka hore na see se etsahetse joang? U ikutloa joang? U ka hlalosetsa motho e mong joang hore karohano ena e jonag le hore ke hobaneng e se monate? Hobaneng tšepiso ea mohau e le eona fela pheko?